



FARG'ONA VILOYATI FARG'ONA TUMANI HOKIMINING QARORI

2025-yil 27-fevral

67-11-163-Q/25

Farg'ona tumani hokimligi

Farg'ona tumani hokimligi huzurida "Infratuzilma va ijtimoiy barqarorlik" jamg'armasi tashkil etish to'g'risida

O'zbekiston Respublikasi Prezidentining 2025-yil 30-yanvardagi "Aholini ijtimoiy himoya qilish tizimini moliyalashtirish tartib-taomillarini takomillashtirish to'g'risida"gi PQ-17-sonli Farmoniga muvofiq mahalliy byudjetning qo'shimcha manbalari hamda qonun hujjatlari bilan taqiqlanmagan boshqa mablag'lari hisobidan aholining hayot kechirishiga salbiy ta'sir ko'rsatayotgan ijtimoiy-iqtisodiy, tashkiliy-amaliy va infratuzilmaviy muammolarni bartaraf etish, sog'lom turmush tarzini keng tatbiq etish va ommaviy sportni yanada rivojlantirish va ekologiya va atrof-muhitni asrash, aholi salomatligi va sanitariya-gigiena sharoitini yaxshilashga qaratilgan hamda boshqa zarur tadbirlarni amalga oshirish uchun tuman hokimligi huzuridagi "Infratuzilma va ijtimoiy barqarorlik" jamg'armasi tashkil etish maqsadida O'zbekiston Respublikasi "Mahalliy davlat hokimiyati to'g'risida"gi Qonunining 5-, 6- va 25-moddalariga asosan

QAROR QILAMAN:

1.O'zbekiston Respublikasi Prezidentining 2025-yil 30-yanvardagi "Aholini ijtimoiy himoya qilish tizimini moliyalashtirish tartib-taomillarini takomillashtirish to'g'risida"gi PQ-17-sonli farmoni ma'lumot va ijro uchun qabul qilinsin.

2.Farg'ona tumani hokimligi huzuridagi "Infratuzilma va ijtimoiy barqarorlik" (keyingi o'rinlarda Jamg'arma deb ataladi) jamg'armasi tashkil etilsin.

3.Mazkur qarorga asosan:

2025-yil 1-martdan boshlab O'zbekiston Respublikasi Prezidentining 2020-yil-24-noyabrdagi "Sud hujjatlari va boshqa organdar hujjatlarini ijro etish tizimini yanada takomillashtirish chora-tadbirlari to'g'risida"gi PF-6118-son Farmonining 12-bandiga muvofiq "Ijtimoiy daftarlar" jamg'armalariga yo'naltiriladigan mablag'llarni taqsimlashning tartibi joriy etilganligi, unga muvofiq:

yo'naltirilishi belgilangan mablag'larning 30 foizi tuman (shahar)lardagi aholi soni va Kambag'al oilalar reyestriga kiritilgan oilalar soniga mutanosib ravishda "Infratuzilma va ijtimoiy barqarorlik" jamg'armalariga o'tkazilishi;

yo'naltirilishi belgilangan mablag'larning 70 foizi tuman (shahar)dagi aholi soni, nogironligi bo'lgan shaxslar soni va Kambag'al oilalar reyestriga kiritilgan oilalar sonidan kelib chiqib, tuman va shaharlardagi "Ijtimoiy daftarlar" jamg'armalariga teng ulushda o'tkaziladi. Bunda mablag'larni tuman va shaharlar bo'yicha taqsimlash tuman (shahar)ning toifasi, uning ixtisoslashuvi hamda kichik biznes uchun yaratilgan sharoitlardan kelib chiqib belgilanadigan tuzatish koeffitsientlarini qo'llagan holda amalga oshirilishi;

"Infratuzilma va ijtimoiy barqarorlik" jamg'armalariga yo'naltirilgan mablag'lardan foydalanish Xalq deputatlari tuman (shahar) kengashlari qarorlari asosida amalga oshirilishi ma'lumot uchun qabul qilinsin.

4. Tuman hokimining birinchi o'rinbosari (O. Abduraximov), Tuman "Inson" ijtimoiy xizmatlar markazi (U. Yuldashev), Iqtisodiyot va moliya bo'limi (A. Yusupov) "Infratuzilma va ijtimoiy barqarorlik" jamg'armasi hamda "Ijtimoiy daftarlar" jamg'armalari faoliyatini samarali tashkil etish maqsadida;

- a) "Infratuzilma va ijtimoiy barqarorlik" jamg'armasi hamda "Ijtimoiy daftarlar" jamg'armalari mablag'lari hisobidan xaridlarni amalga oshirishda tovar (ishlar, xizmatlar)ni yetkazib beruvchilarni maxsus axborot portalida e'lon joylashtirmasdan va xarid qilish tartib-taomillarini elektron shaklda o'tkazmasdan eng yaxshi takliflarni tanlash orqali aniqlash;
- b) "Infratuzilma va ijtimoiy barqarorlik" jamg'armasi mablag'larini tuman "Inson" ijtimoiy xizmatlar markazi hamda iqtisodiyot va moliya bo'limi bilan kelishgan holda quyidagi ijtimoiy loyihalarni amalga oshirishga yo'naltirish:
 - tumanda aholining hayot kechirishiga salbiy ta'sir ko'rsatayotgan ijtimoiy-iqtisodiy, tashkiliy-amaliy va infratuzilmaviy muammolarni bartaraf etishga qaratilgan chora-tadbirlarni moliyalashtirish;
 - tumanda sog'lom turmush tarzini keng tatbiq etish va ommaviy sportni yanada rivojlantirish chora-tadbirlarini moliyalashtirish;
 - ekologiya va atrof-muhitni asrash, aholi salomatligi va sanitariya gigiena sharoitini yaxshilashga qaratilgan hamda boshqa zarur tadbirlarni moliyalashtirish uchun ajratsin.

5. "Infratuzilma va ijtimoiy barqarorlik" jamg'armasi ishchi guruhi 1-ilovaga muvofiq tasdiqlansin.

6. Jamg'arma mablag'larini shakllantirish maqsadida O'zbekistan Respublikasi Moliya vazirligi G'aznachiligida g'aznachilik hisob raqami ochsin;

- jamg'arma faoliyatini shakllantirish uchun mahalliy byudjetning qo'shimcha mablag'lari hamda qonun hujjatlari bilan taqiqlanmagan boshqa mablag'lari hisobidan boshlang'ich ustavini hal etsin.

7.Jamg'armaning Ijro etuvchi kotibiga taqdim etilgan talabnoma asosida xarajatlarni maqsadli transhlar bilan moliyalashtirish vazifasi yuklatilsin.

8.Jamg'armaning ishchi guruhi:

-Jamg'arma mablag'lari sarfini maqsadli yo'nalishlarda foydalanilishini nazorat qilsin;

-Jamg'arma ustavini shakllantirib borish yuzasidan tegishli takliflar kiritib borsin.

9.Mazkur qaror ijrosini nazorat qilish tuman hokimining birinchi o'rinbosari O.Abduraximov zimmasiga yuklatilsin.

**Farg'ona tuman
hokimi**



**INOMOV
XAMIDULLO.TADJIYEVICH**

Fargʻona tuman hokimining
2025-yil 27-fevraldagi
67-11-163-Q/25-son qaroriga
1-ilova

**Fargʻona tumani hokimligi huzuridagi “Infratuzilma va ijtimoiy
barqarorlik” jamgʻarmasi ishchi guruhi**

TARKIBI

1.	O.Abduraximov	-	Tuman hokimining birinchi oʻrinbosari, Tuman iqtisodiyot va moliya boʻlimi boshligʻi, Ishchi guruhi raisi
2.	M.Qodirxonov	-	Tuman hokimining oʻrinbosari, Ishchi guruhi raisi oʻrinbosari
3.	U.Yuldashev	-	“Inson” ijtimoiy xizmatlar markazi rahbari, Ishchi guruhi raisi oʻrinbosari
4.	A.Yusupov	-	Tuman Iqtisodiyot va moliya boʻlimi boshligʻi oʻrinbosari, Ishchi guruhi aʼzosi
5.	N.Sobirov	-	Kambagʻallikni qisqartirish va bandlikka koʻmaklashish boʻlimi boshligʻi, Ishchi guruhi aʼzosi
6.	U.Toshbekov	-	Ekologiya, atrof-muhitni muhofaza qilish va iqlim oʻzgarishi boʻlimi boshligʻi, Ishchi guruhi aʼzosi
7.	G.Turlibekova	-	Maktabgacha va maktab taʼlimi boʻlimi boshligʻi, Ishchi guruhi aʼzosi
8.	M.Toʻxtasinov	-	“Hududiy elektr tarmoqlari” AJ tuman filiali, Ishchi guruhi aʼzosi
9.	B.Sobirov	-	“Tumangaz” taʼminoti filiali rahbari, Ishchi guruhi aʼzosi
10.	Oʻ.Turgʻunov		Tuman “Suvoqova” korxonasi boshligʻi, Ishchi guruhi aʼzosi
11.	X.Mirzayev		Qurilish va uy-joy kommunal xoʻjaligi boʻlimi boshligʻi, Ishchi guruhi aʼzosi

Izoh:*Ishchi guruhi a'zolari boshqa ishga o'tgan taqdirda, uning tarkibiga ushbu lavozimlarga yangi tayinlangan yoki zimmasiga tegishli funksiyalarni bajarish yuklangan shaxslar kiritiladi.*